

# Imeldahof ta celebra 44 año di existencia

ORANJESTAD(AAN) — DIARIO a haci un entrevista cu Director di Imeldahof y un Groepsleidster, en conexi- on cu celebracion di 44 año di existencia di Imeldahof.

Sra. Dynia Muller cu tin 2 año como director na Imeldahof, y kende durante e tempo aki a goza di diferente experiencianan cu a fortalece su funcion.

Sra. Muller prome di a bay traha na Imeldahof a traha na PAAZ como Bewegingstherapeut y Dramatherapeut for di año '87 te cu año '96.

Stichting Kinderhuis Imeldahof a lanta dia 25 di November di año 1954 door di Souernan di Betania consistiendo di 4 casnan pero e hardin tabata curu.

## LAICONAN A CUMINSA YUDA E STICHTING

Na año 1970 laiconan a cuminsa drenta den servicio na Imeldahof, y asina a yama den nan servicio Groepsleidster y hendenan profesionalmente studia.

Na año 1976, ya no tabata tin mas souer den servicio. Asina tambe e nomber a

wordo cambia pa Stichting Kinderhuis Imeldahof antes yama Stichting Betania.

- Imeldahof ta consisti di 4 cas di cual nan nomber ta: Cas Beatrix, Irene, Magriet y Marijke.

Un total di 14 mucha por keda den cada cas, pero normalmente 9 ta den un cas, diferente edad ta wordo comparti por ehemplo di 6 te 14 año mucha muher y mucha homber.

Mucha homber ta bandona Imeldahof cu su 14 año door cu su curpa ta madura mas lihe cu esun di un mucha muher.

## CON UN MUCHA TA HACI DRENTA IMELDAHOF Y PAKIKO

Tin diferente caso, por ehemplo caso di maltrato di e muchanan, abuso sexual di algun mayor cu nan yiunan.

Tambe abuso di alcohol y droga di algun di e mayor- nan cu ta negligia e muchanan hopi, e caso ta cay den man di autoridad despues den man di e diferente instancianan concerni manera Voogdijraad, Sociale Zaken y demas.

Durante e proceso aki e instancianan lo comunica cu Imeldahof pa asina entrega e mucha pa wordo interna y na e sitio e mucha lo haña terapia profesional y e cuido necesario pa e por sigui cana den bon caminda o pa yude cu problema di trauma den cual e ta pasando.

Ta asina cu e mucha ta drenta den observacion pa tres luna den Cas Beatrix y despues di tres luna e lo drenta den un otro cas pa terapia mas avanza.

Si no ta wak adelanto den e mucha su comportacion e mucha por ser manda bek pa cas di observacion te ora cu e por tin progreso den su comportacion.

E muchanan mes ta haya nan tarea di tur dia, haci mesa limpi, drecha mesa pa come, laba coy kibra y e muchanan mas grandi ta laba nan mesun paña.

Ta hopi importante e guia cu e muchanan ta haya, asina nan ta bira mas responsable y asina nan ta sinti nan mes mas util.

## PERSONAL DI IMELDAHOF

Ta consisti di un total di 29 trahado entre otro 16 Groepsleidster, cada cas tin 4 Groepsleidster, un trahador domestico, dos hardinero, un bode, jefe di mantencion, den oficina bo ta haya cordinador Pedagogico, secretaria, administrador y finalmente e Director.

## META Y TRABOU DI E GROEPSLEIDSTER

Ta algo dificil ya cu bo ta trata cu diferente caracter di mucha y problema segun Groepsleidster Marian Krozendijk ta splica durante e entrevista.

Pa e su trabou ta hopi importante, tur dia tin diferente caso pa atende, diferente emocionnan pasobra con cu bin con bay nos tur ta hende.

Y nos emocionnan lo bruha, ta abo mester sa con pa traha cu nan y evita pa mustra bo emocionnan.

Cu Dios su poder semper lo e keda traha na Imeldahof ya e tin 12 año ta trahando caba.

Sra. Krozendijk a bai Skol Paso Sigur y a core stage na Imeldahof, y asina a bin haña e inspiracion cu ta esey lo e kier sigui traha cu nos muchanan.

Pa e, esaki ta algo hopi bunita ora bo ta yuda nos muchanan den dificultad, mester tin hopi amor pa e trabao sino bo no por trahe.

## EN CONEXION CU CELEBRACION DI 45 AÑA DI EXISTENCIA

Personal y Staf di IMELDAHOF lo celebra e di 44 año simpel prome cu un misa despues cu un brindis.

Nan 45 año si nan lo fiesta na grandi, ya pa otro año lo cuminsa actividad pa recauda fondo manera bake-sale

tambe lo acerca prensa pa diferente topico encuanto Stichting Kinderhuis Imeldahof, pa asina Pueblo por sa mas di e Stichting.

Tambe Staf y Personal y e muchanan kier a gradici tur e VOLUNTARIONAN Y COMERCIANTENAN y instancianan cu semper a sa di yuda nan na un of otro manera, spera cu semper por keda conta cu nan-apoyo.



# DIARIO

## 18 Aña!!

**Pabien!!**  
Na e matutino  
cu ta tene  
e pueblo bon  
informa tur dia..

**Charlies Self Service**